

Nd.

650. Frumvarp til laga

[233. mál]

um breyting á lögum nr. 62 18. maí 1967, um bann gegn veiðum með botnvörpu og flotvörpu.

(Eftir 2. umr. í Nd., 5. maí.)

1. gr.

1. og 3. gr. laganna verði 1. gr. og orðist svo:

Í fiskveiðilandhelgi Íslands, eins og hún er ákveðin í reglugerð, settri samkvæmt lögum nr. 44 5. apríl 1948, skulu bannaðar vera fiskveiðar með botnvörpu og flotvörpu.

Heimilt er ráðherra að veita vélbátum undanþágu frá banni þessu til að stunda kampalampaveiðar og leturhumarveiðar á tilteknum svæðum með venjulegri kampalampavörpu og leturhumarvörpu. Áður en undanþága er veitt, skal leita um hana álits Fiskifélags Íslands.

Prátt fyrir ákvæði 1. málsg. er ráðherra heimilt, að fengnum tillögum Fiskifélags Íslands, að veita leyfi til sildveiða í landhelgi með flotvörpu. Leyfi þetta skal bundið því skilyrði, að hlutaþeigandi veiðiskip sé eingöngu gert út til sildveiða. Auk þess getur ráðherra bundið leyfið þeim öðrum skilyrðum, er hann telur nauðsynleg, þar á meðal, að allur afli, annar en sild, sé upptækur til ríkissjóðs.

Ráðherra er heimilt samkvæmt tillögum Hafrannsóknastofnunarinnar og að fengnum meðmælum Fiskifélags Íslands að veita fiskrannsóknarskipum og vísindamönnum leyfi til að nota botnvörpu og flotvörpu í rannsóknarskyni innan fiskveiðilandhelgi Íslands. Leyfi samkvæmt þessari málsg. skal ávallt timabundið.

2. gr.

Á eftir 1. gr. komi ný grein, er verði 2. gr., svo hljóðandi:

Prátt fyrir ákvæði 1. gr. er íslenzkum skipum heimilt að veiða með botnvörpu og flotvörpu innan fiskveiðilandhelginnar á þeim veiðisvæðum og veiðitínum, sem nú verða greind, enda undanþiggi ráðherra ekki tiltekin svæði slikum veiðum með reglugerð. Þá er rætt er um grunnlínupunkta, er miðað við grunnlínupunkta samkvæmt reglugerð nr. 3/1961, sé annars ekki getið.

A. Norðurland.

- A 1. Frá línu, réttvisandi norður frá Horni (grunnlínupunktur 1), að línu, réttvisandi norðaustur af Langanesi (grunnlínupunktur 9), er heimilt að veiða með botnvörpu og flotvörpu allt árið utan línu, sem dregin er átta sjómílur utan við grunnlínu samkvæmt reglugerð nr. 3/1961, nema á Húnaflóa utan við grunnlínu, sem dregin er frá Horni (grunnlínupunktur 1), að Selskeri ($66^{\circ}07.5'$ n.br. $21^{\circ}31.2'$ v.lg.) og þaðan í Ásbúðarrif (grunnlínupunktur 2).
- A 2. Á tímabilinu 1. október til 16. apríl er heimilt að veiða með botnvörpu og flotvörpu utan línu, sem dregin er 6 sjómílur utan við grunnlínu, sem nefndar eru í A 1, og takmarkast svæði þetta að vestan og austan, svo sem í A 1 greinir.
- A 3. Skipum, 105 brúttó rúmlestir og minni, er heimilt að veiða allt árið á svæði því, sem um getur í A 2, að undanskildu því svæði og þeim tíma, er getur í A 5.
- A 4. Á tímabilinu 1. október til 16. apríl er skipum, 105 brúttó rúmlestir og minni, heimilt að veiða utan línu, sem dregin er 4 sjómílur utan við grunnlínu, sem nefndar eru í A 1, og takmarkast svæði þetta að vestan og austan, svo sem í A 1 greinir.
- A 5. Prátt fyrir ákvæði A 3 eru veiðar með botnvörpu og flotvörpu bannaðar á tímabilinu 1. júní til 1. október á svæði, sem takmarkast af línu, réttvisandi norður af Rauðunúpum (grunnlínupunktur 6), og línu, réttvisandi norðaustur af Langanesi (grunnlínupunktur 9).
- A 6. Heimilt er að veiða með botnvörpu og flotvörpu allt árið utan línu, sem dregin er í 6 sjómílna fjarlægð frá fjörumarki Grímseyjar.
- A 7. Heimilt er að veiða með botnvörpu og flotvörpu allt árið utan línu, sem dregin er í 3 sjómílna fjarlægð frá fjörumarki Kolbeinseyjar.

B. Austurland.

- B 1. Frá línu, réttvisandi norðaustur af Langanesi (grunnlínupunktur 9), að línu, réttvisandi norðaustur frá Bjarnarey ($65^{\circ}47.1'$ n.br. $14^{\circ}18.3'$ v.lg.), er heimilt að veiða með botnvörpu og flotvörpu allt árið utan línu, sem dregin er 8 sjómílur utan við grunnlínu milli eftirfarandi staða: Langeness (grunnlínupunktur 9), Skálatóarskers ($65^{\circ}59.7'$ n.br. $14^{\circ}37.5'$ v.lg.) og Bjarnareyjar ($65^{\circ}47.1'$ n.br. $14^{\circ}18.3'$ v.lg.).
- B 2. Á tímabilinu 1. október til 16. apríl er heimilt að veiða með botnvörpu og flotvörpu utan línu, sem dregin er 4 sjómílur utan við grunnlínu þá, er í B 1 getur.
- B 3. Frá línu, réttvisandi norðaustur af Bjarnarey ($65^{\circ}47.1'$ n.br. $14^{\circ}18.3'$ v.lg.), að línu, réttvisandi norðaustur af Ósfles ($65^{\circ}37.8'$ n.br. $13^{\circ}55.4'$ v.lg.) er heimilt að veiða með botnvörpu og flotvörpu allt árið utan línu, sem dregin er í 3ja sjómílna fjarlægð frá fjörumarki meginlandsins.
- B 4. Frá línu, réttvisandi norðaustur af Ósfles ($65^{\circ}37.8'$ n.br. $13^{\circ}55.4'$ v.lg.), að línu, réttvisandi suðaustur af Selskeri (grunnlínupunktur 17), er heimilt að veiða með botnvörpu og flotvörpu allt árið utan línu, sem dregin er 12 sjómílur utan við grunnlínu, sem dregin er milli Ósflesjar, Almenningflesjar ($65^{\circ}33.1'$ n.br. $13^{\circ}40.6'$ v.lg.), Glettinganess (grunnlínupunktur 10) og grunnlínupunkta samkvæmt reglugerð nr. 3/1961 (grunnlínupunktar 11—17).
- B 5. Á tímabilinu 1. nóvember til 1. maí er heimilt að veiða með botnvörpu og flotvörpu á svæði því, sem um getur í B 4, utan línu, sem dregin er 4 sjómílur utan við grunnlínu þá, sem þar getur.
- B 6. Heimilt er að veiða með botnvörpu og flotvörpu allt árið utan línu, sem dregin er í 3ja sjómílna fjarlægð frá fjörumarki Hvalsbaks.
- B 7. Heimilt er að veiða með botnvörpu og flotvörpu á tímabilinu frá 1. september til 1. nóvember utan línu, sem dregin er í briggja sjómílna fjarlægð frá grunnlínu (grunnlínupunktar 10—11) á svæði, sem takmarkast af línu, sem

dregin er réttvisandi austur frá Álftavíkurtanga (sunnan Húsavíkur), og línu, sem dregin er réttvisandi austur frá Dalatanga.

C. Suðausturland.

- C 1. Frá línu, réttvisandi suðaustur af Selskeri (grunnlínupunktur 17) að 18° vestlægri lengd, er heimilt að veiða með botnvörpu og flotvörpu á tímabilinu 1. maí til 1. marz utan línu, sem dregin er 4 sjómílur utan við grunnlínu samkvæmt reglugerð nr. 3/1961.
- C 2. Á tímabilinu því, sem í C 1 segir, er skipum, 350 brúttó rúmlestir og minni, heimilt að veiða með botnvörpu og flotvörpu utan línu, sem dregin er milli Selskers (grunnlínupunktur 17) og Hvítингa (grunnlínupunktur 18) og síðan í 3ja sjómílna fjarlægð frá fjörumarki meginlandsins, á svæði, sem takmarkast að austan af línu, réttvisandi suðaustur frá Hvítингum (grunnlínupunktur 18) og að vestan svo sem í C 1 greinir.

D. Suðurland.

- D 1. Frá 18° vestlægri lengd til 20° vestlægrar lengdar er heimilt að veiða með botnvörpu og flotvörpu allt árið utan línu, sem dregin er 4 sjómílur utan við grunnlínu samkvæmt reglugerð nr. 3/1961.
- D 2. Skipum, 105 brúttó rúmlestir og minni, er heimilt að veiða með botnvörpu og flotvörpu allt árið utan línu, sem dregin er í 3ja sjómílna fjarlægð frá fjörumarki meginlandsins, á svæði, sem takmarkast að austan og vestan, svo sem í D 1 greinir.
- D 3. Frá 20° vestlægri lengd að línu, réttvisandi suður frá Reykjanesaukavita ($63^{\circ}48.0'$ n.br. $22^{\circ}42.7'$ v.lg.), er heimilt að veiða með botnvörpu og flotvörpu allt árið utan línu, sem dregin er 8 sjómílur utan við grunnlínu milli Lundadrangs (grunnlínupunktur 28), Geirfuglaskers (grunnlínupunktur 29), Einidrangs ($63^{\circ}27.4'$ n.br. $20^{\circ}37.2'$ v.lg.), Selvogs ($63^{\circ}49.1'$ n.br. $21^{\circ}39.4'$ v.lg.), Hópsness ($63^{\circ}49.3'$ n.br. $22^{\circ}24.6'$ v.lg.) og Eldeyjardrangs (grunnlínupunktur 30), sbr. þó D 8 og D 9.
- D 4. Á tímabilinu 1. maí til 1. janúar er heimilt að veiða með botnvörpu og flotvörpu utan línu, sem dregin er 4 sjómílur utan við grunnlínu þá, er í D 3 getur, á svæði, sem takmarkast að austan og vestan, svo sem þar greinir, sbr. þó D 8 og D 9.
- D 5. Skipum, 105 brúttó rúmlestir og minni, er heimilt að veiða með botnvörpu og flotvörpu allt árið utan línu, sem dregin er í 3ja sjómílna fjarlægð frá fjörumarki meginlandsins, og takmarkast svæði þetta að austan og vestan, svo sem getur í D 3, sbr. þó D 8 og D 9.
- D 6. Skipum, 105 brúttó rúmlestir og minni, er heimilt að veiða með botnvörpu og flotvörpu á tímabilinu 15. febrúar til 16. apríl upp að suðurströnd meginlandsins á svæði, sem takmarkast að austan af línu, sem dregin er þannig, að Urðarvita og Faxaskersvita beri saman, og að vestan af línu réttvisandi suðvestur frá Þjórsárós ($63^{\circ}46.5'$ n.br. $20^{\circ}49.0'$ v.lg.), sbr. þó D 9.
- D 7. Skipum, 105 brúttó rúmlestir og minni, er heimilt að veiða með botnvörpu og flotvörpu allt árið upp að suðurströnd meginlandsins á svæði, sem takmarkast að austan af lengdarbaug $21^{\circ}57'$ vesturlengdar og að vestan af lengdarbaug $22^{\circ}32'$ vesturlengdar, sbr. þó D 9.
- D 8. Öll veiði er bönnuð allt árið á svæði, þar sem vatnsleiðsla og rafstrengur liggur milli Vestmannaeyja og meginlands. Svæði þetta takmarkast að austan af línu, sem dregin er þannig, að Bjarnarey að vestan beri í Elliðaey að austan, og að vestan takmarkast það af línu, sem dregin er þannig, að Urðarvita og Faxaskersvita beri saman. Enn fremur er öll veiði bönnuð á svæði, þar sem sæsimastrengir liggja frá Vestmannaeyjum til útlanda á 200 metra belti beggja megin við strengina.

D 9. Ráðherra er heimilt að banna með reglugerð botnvörpu- og flotvörpuveiðar á tímabilinu 1. marz til 1. maí, eftir því sem þörf þykir, á svæðum, sem um getur í D 3—D 7.

E. Reykjanes- og Faxaflóasvæði.

- E 1.** Frá línu, réttvisandi suður úr Reykjanesaukavita, að línu, réttvisandi 240° frá Hafnarbergi ($63^{\circ}52.8'$ n.br. $22^{\circ}44.2'$ v.lg.), er heimilt að veiða með botnvörpu og flotvörpu allt árið utan línu, sem dregin er í 6 sjómílna fjarlægð frá fjöru-marki meginlandsins, sbr. þó E 9.
- E 2.** Skipum, 350 brúttó rúmlestir eða minni, er heimilt að veiða með botnvörpu og flotvörpu allt árið á svæði, sem takmarkast að austan og vestan, svo sem í E 1 getur, utan línu, sem dregin er í 3 ja sjómílna fjarlægð frá fjörumarki meginlandsins, sbr. þó E 9.
- E 3.** Frá línu, réttvisandi 240° frá Hafnarbergi ($63^{\circ}52.8'$ n.br. $22^{\circ}44.2'$ v.lg.), að $64^{\circ}40'$ norðlægrar breiddar, er heimilt að veiða með botnvörpu og flotvörpu allt árið utan línu, sem dregin er 4 sjómílur utan grunnlínu milli Eldeyjardrangs (grunnlínupunktur 30) og Gáluvíkurtanga ($64^{\circ}44.9'$ n.br. $23^{\circ}55.3'$ v.lg.), sbr. þó E 9.
- E 4.** Á tímabilinu 1. október til 1. janúar er heimilt að veiða með botnvörpu og flotvörpu utan línu, sem dregin er 1 sjómílu innan við grunnlínu þá, er getur í E 3, milli $64^{\circ}0'$ norðlægrar breiddar og $64^{\circ}35'$ norðlægrar breiddar, sbr. þó E 9.
- E 5.** Skipum, 350 brúttó rúmlestir og minni, er heimilt að veiða með botnvörpu og flotvörpu allt árið utan línu, sem dregin er úr punkti, 4 sjómílur 240° réttvisandi frá Hafnarbergi ($63^{\circ}52.8'$ n.br. $22^{\circ}44.2'$ v.lg.) í punkt, 4 sjómílur réttvisandi vestur af Garðskagavita ($64^{\circ}04.9'$ n.br. $22^{\circ}41.7'$ v.lg.), og þaðan í Malarrißvita ($64^{\circ}43.7'$ n.br. $23^{\circ}48.5'$ v.lg.), en að norðan og sunnan takmarkast svæði þetta, svo sem um getur í E 3, sbr. þó E 9.
- E 6.** Skipum, 105 brúttó rúmlestir og minni, er heimilt að veiða með botnvörpu og flotvörpu á tímabilinu 1. júní til 1. janúar á svæði, sem afmarkast af línum, sem dregnar eru milli eftирgreindra staða og í réttvisandi vestur frá þeim, sbr. þó E 9:
- $64^{\circ}12'$ n.br., $22^{\circ}20'$ v.lg.
 - $64^{\circ}25'$ n.br., $22^{\circ}30'$ v.lg.
- E 7.** Frá $64^{\circ}40'$ n.br. að línu, réttvisandi vestur af Öndverðarnesvita ($64^{\circ}53.1'$ n.br. $24^{\circ}02.9'$ v.lg.), er heimilt að veiða með botnvörpu og flotvörpu allt árið að línu, sem dregin er 4 sjómílur utan við grunnlínu milli Eldeyjardrangs (grunnlínupunktur 30), Gáluvíkurtanga ($64^{\circ}44.9'$ n.br. $23^{\circ}55.3'$ v.lg.), Hraunvarar ($64^{\circ}49.6'$ n.br. $24^{\circ}01.0'$ v.lg.), Skálasnaga (grunnlínupunktur 32) og Bjartganga (grunnlínupunktur 33), sbr. þó E 9.
- E 8.** Skipum, 105 brúttó rúmlestir og minni, er heimilt að veiða með botnvörpu og flotvörpu á tímabilinu 1. júní til 1. janúar upp að einni sjómílu frá fjörumarki, en þó ekki austan við línu, sem dregin er úr Malarrißvita í punkt, 4 sjómílur réttvisandi vestur frá Garðskagavita, en að norðan og sunnan takmarkast svæði þetta, svo sem getur í E 7, sbr. þó E 9.
- E 9.** Ráðherra er heimilt að banna með reglugerð botnvörpu- og flotvörpuveiðar á tímabilinu 1. janúar til 15. maí, eftir því sem þörf þykir, á svæðum, sem um getur í E 1—E 8.

F. Breiðafjörður.

- F 1.** Frá línu, réttvisandi vestur frá Öndverðarnesvita að línu, réttvisandi vestur frá Bjartgögum, (grunnlínupunktur 33), er heimilt að veiða allt árið með botnvörpu og flotvörpu utan línu, sem dregin er 4 sjómílur utan við grunnlínu samkvæmt reglugerð nr. 3/1961, sbr. þó F 5.

- F 2.** Á tímabilinu 16. september til 1. janúar er heimilt að veiða með botnvörpu og flotvörpu utan línu, sem dregin er úr punkti, 2 sjómílur réttvisandi norður frá Öndverðarnesvita í Bjarttanga (grunnlinupunktur 33), milli lína, sem dregnar eru réttvisandi 250° úr stað á $65^{\circ}09'$ n.br. $23^{\circ}40'$ v.lg. og 290° úr stað á $65^{\circ}19'$ n.br. $23^{\circ}51'$ v.lg., sbr. þó F 5.
- F 3.** Skipum, 105 brúttó rúmlestir og minni, er heimilt að veiða með botnvörpu og flotvörpu á tímabilinu 1. júní til 16. september utan línu, sem dregin er 2 sjómílur réttvisandi norður frá Öndverðarnesvita og þaðan í punkt $65^{\circ}0'$ n.br. $23^{\circ}30'$ v.lg. og þaðan í punkt $65^{\circ}09'$ n.br. $23^{\circ}40'$ v.lg., og línu, sem dregin er í 250° réttvisandi stefnu úr þeim punkti, sbr. þó F 5.
- F 4.** Á tímabilinu 16. september til 1. janúar er skipum, 105 brúttó rúmlestir og minni, heimilt að veiða með botnvörpu og flotvörpu utan línu, sem dregin er réttvisandi 250° úr punkti $65^{\circ}09'$ n.br., $23^{\circ}40'$ v.lg., og línu úr þeim punkti í punkt $65^{\circ}19'$ n.br., $23^{\circ}51'$ v.lg., og þaðan í réttvisandi 290° , sbr. þó F 5.
- F 5.** Ráðherra er heimilt að banna með reglugerð botnvörpu- og flotvörpuveiðar á tímabilinu 1. janúar til 1. maí, eftir því sem þörf þykir, á svæðum, sem getur í F 1—F4.

G. Vestfirðir.

- G 1.** Skipum, 350 brúttó rúmlestir og minni, er heimilt að veiða með botnvörpu og flotvörpu á tímabilinu 1. október til 1. janúar utan línu, sem dregin er 4 sjómílur utan við grunnlinu samkvæmt reglugerð nr. 3/1961, á eftirgreindum svæðum:
- á svæði, sem takmarkast af línum, réttvisandi 300° frá Kópanesi (grunnlinupunktur 34) og Fjallaskagavita ($66^{\circ}0.4'$ n.br., $23^{\circ}48.8'$ v.lg.) og
 - á svæði, sem takmarkast af línum, réttvisandi norðvestur frá Rit ($66^{\circ}21.3'$ n.br., $23^{\circ}11.5'$ v.lg.) og réttvisandi norður frá Kögri (grunnlinupunktur 37).

3. gr.

Á eftir 2. gr. laganna komi ný grein, er verði 3. gr. og orðist svo:

Heimildir þær, sem veittar eru í 2. gr. til veiða með botnvörpu og flotvörpu, taka og til dragnótaveiða. Að öðru leyti halda áfram gildi sínu lög nr. 40 9. júní 1960, um takmarkað leyfi til dragnótaveiða í fiskveiðilandhelgi Íslands undir visindalegu eftirliti.

Ráðherra er heimilt að veita frekari togveiðiheimildir en greindar eru í lögum þessum um takmarkaðan tíma og á tilteknunum veiðisvæðum, ef hafis lokar venjulegum fiskimiðum innan fiskveiðilandhelginnar, enda komi til meðmæli Hafrannsóknastofnunarinnar.

4. gr.

2. gr. laganna verði 4. gr. og orðist svo:

Nú er botnvörpuskip í fiskveiðilandhelgi, þar sem því er óheimil veiði, og skulu þá veiðarfæri öll vera í búlka innanborðs.

5. gr.

Í 4. gr. laganna, sem verði 5. gr., komi í stað orðanna: „1. gr.“ orðin: 1., 2. og 3. gr., og í stað orðanna: „2. gr.“ orðin: 4. gr.

6. gr.

Í 6. gr. laganna, sem verði 7. gr., komi í stað orðanna: „1. gr.“ orðin: 1., 2. og 3. gr. og í stað orðanna: „4. gr.“ orðin: 5. gr.

Aftan við 6. gr. laganna komi ný málsg., svo hljóðandi:

Nú gerist skipstjóri sekur um ítrekuð brot á lögum þessum, og er þá heimilt að svipta hann skipstjórnarréttindum um tiltekinn tíma.

7. gr.

5.—8. gr. laganna verði 6.—9. gr.

8. gr.

Lög þessi öðlast þegar gildi. Ákvæði 2. og 3. gr. laganna gilda til ársloka 1971.